

欽定剿平粵匪方略

欽定勦平粵匪方略卷三百九十二 甲子年

九月初五日 癸卯 劉蓉奏言據蕭慶高等稟報蔡

啟兩逆由鐵鑪及金牛坪一帶狂竄後我軍截  
殺多名屍骸枕藉蕭慶高等各率所部追躡骸  
逆趨踞韭菜坪將兩岸民房砍木爲壘憑險抗  
拒適總兵謝正球督率親兵前來會同進擊其  
時彭基品亦由光頭山追至菜子坪攔殺該逆

見官兵歷險窮追不少憩息冀將險徑空斷阻  
我追師我軍旋修旋進疊有斬擒總兵劉厚基  
等各率所部左右衝出該逆首尾不能相顧殄  
斃五百餘人生擒多名救出難民千餘賊衆潰  
散向大河壩一路逃逸蕭慶高等仍飭各營跟  
蹤追逐逆勢窮蹙僞奉天燕承宣詹瑞蘭等率  
衆二千餘人跪地乞降詢係啟逆黨類因見蔡

逆兇暴好殺悔悟投誠並稱蔡逆懼我追師欲  
由洋縣偷渡漢江如不能搶渡卽擬循山徑趨  
褒沔等語當將降衆分別遣留七月二十三日  
追至金水河正值該逆爭渡之時乘機喊殺傷  
亡溺死者不計其數遂由槐樹關竄走城固蕭  
慶高等各督所部連日窮追餘逆悉竄入彌勒  
院蕭慶高等恐該逆奔入漢中卽在漢江尋覓

敵船駛抵漢中比值逆衆竄至彌勒院寶鋒寺  
山邊因我軍繞出在前不能竄突卽在該處暫  
踞我軍分路進攻逆賊猛撲而前蕭慶高等因  
賊鋒正銳親督部勇有進無退維時總兵毛芳  
恆等率部往來衝殺賊始敗退歸巢八月初一  
日各軍齊向彌勒院進發該逆分股相迎官軍  
奮力鏖戰斃賊甚多該逆勢不能敵率黨狂奔

竄踞襄城對河之長寨追師陸續踵至分路偏  
攻該匪乘夜竄由沔縣斜趨略陽關入城中臣  
所派李百魁黃鼎等營各率所部趕到分投進  
攻逆衆均奔河岸併力死抵各營猛攻數次逆  
衆不支蔡逆率其死黨飛奔過橋啟逆繼之我  
軍乘勢掩殺斃賊數百名生擒百餘名淹斃數  
百名餘逆分竄白馬關奔入階州境內陝境遂

無賊蹤臣現檄鞏秦階道林之望督率兵團力扼徽成階文各要隘使賊不得停留並咨四川督臣駱秉章飭令川軍一體攔截並檄湘果諸軍越境窮追現聞該逆猛撲畢口急圖入川蕭慶高何勝必等已繞山甯羌會同川軍分途邀截諒此敗殘餘孽不難計日殲除臣仍飭雄毅各營就鳳縣擇要扼守以防由徽縣兩當回竄

之路不敢稍涉疏懈李雲麟自聞逆衆敗竄南  
山卽率所部前進嗣聞逆蹤已越襄沔過略陽  
追師厚集逆黨無多乃率師回駐興安擬遵

旨遣撤毅健六營回楚以節糜費而暫留隴軍六營  
以顧興安一路之防此次各軍困苦辛勤實屬  
著有微勞應俟事竣後擇尤彙案奏請

恩獎至陣亡之提督銜總兵蕭餘勝等先行開列請



旨交部從優議卹其餘傷亡之弁勇容俟查明照例  
辦理奏入

上命議政王軍機大臣傳諭略秉章劉蓉曰蔡啟等  
逆業經蕭慶高等督軍追躡疊獲勝仗收降匪黨  
甚衆餘逆狂竄階州劉蓉現檄林之望力扼要隘  
並飭蕭慶高等越境窮追辦理尙屬認真在事出  
力員弁著俟事竣後擇尤彙保候旨施恩陣亡之

提督銜記名總兵蕭餘勝記名總兵毛芳恆參將  
陳賢元都司瞿升富守備朱球珥千總吳高遠申  
芳茂均著交部從優議卹此股敗匪現在撲猛畢  
口急圖入川蕭慶高等已繞出甯羌截剿駱秉章  
當督飭川軍會合陝軍分途兜擊就地殲除毋令  
紛竄入川致形滋蔓

初六日 甲辰 楊岳斌沈葆楨奏旨侍逆糾合各股

匪由信豐繞由南雄邊境衝過新路口直撲南安府城署知府黎兆棠等督率兵勇嬰城守禦  
斃賊甚夥逆衆退踞該郡南岸水城江忠朝探  
聞水城被踞卽撥數營赴援徐生德等四營亦  
卽趕到賊正結筏渡河見援軍適至復退入水  
城徐生德黎兆棠等於八月十二及十四十六  
十七等日過河攻勦逆匪大隊敗向梅嶺奔竄

我軍星馳跟追賊於梅嶺中站兩次列陣抗拒  
均被我軍衝散各營追逐六十里直至南雄州  
之槐花灘斬獲不少始行收隊當將水城收復  
該逆分股西竄游仙隘亦經劉勝祥分隊擊退  
此次在事人員異常奮勉可否容臣等彙案擇  
尤保獎以資鼓勵出自

天恩至此股敗匪悉竄粵境本應越境追剿惟信豐

境內尚有賊蹤漣逆汪海洋大股尙在瑞金縣境現在飛催各營迅速進剿難保不由信豐南竄南安地當要衝須資重兵扼剿各營勢難遠離且湖州巨寇聞將西竄徽甯江省東路僅祇鮑超一軍地面遼闊防不勝防萬一闖入江境尙須酌撥數營馳赴廣饒協剿是目下江西兵力實有難以出省之勢擬俟信豐瑞金湖州各

路竄匪翦滅後卽當確探前股匪衆趨向飭令各營越境會勦斷不敢稍分畛域

楊岳斌沈葆楨又奏言提臣鮑超近患感冒來省就醫忽聞皖南餘匪已從開化之華埠關入江境偪近玉山鮑超以該逆仍走侍逆凍逆故道入江必由撫建而西勾結前股蔓延爲患因定於八月二十九日力疾啟行出貴溪金谿之

開確探賊蹤迎頭兜擊劉典由撫州來省與臣  
沈葆楨商議一切先於八月二十四日起程其  
所部士卒徑由東鄉進發已抵貴溪現在信郡  
及玉廣兩城均有守兵尙可自固再得鮑超劉  
典兩軍起到當可合力殄除奏入

上命議政王軍機大臣傳諭楊岳斌毛鴻賓沈葆楨  
惲世臨郭嵩燾曰侍逆率衆直撲南安府城時援

軍適至該逆退入水城提督江忠朝知府黎兆棠  
等督軍力戰克復水城賊匪踰嶺遠遁郡城危而  
復安在事出力各員實屬異常奮勉著楊岳斌沈  
葆楨擇尤保獎此股賊匪悉趨粵境官軍追至南  
雄州之槐花灘斬獲不少楊岳斌等以江西尙有  
賊蹤徽甯亦有竄匪兵力難以出省擬俟信豐瑞  
金湖州各路竄匪翦滅後再行確探前股趨向飭



各營越境會剿惟侍逆係賊中最狡悍之股現在  
窮蹙竄粵若粵兵迎截江軍跟追不難一鼓殄滅  
否則任其所之養成羽翼必致又形費手著楊岳  
斌沈葆楨迅速調派勁旅出境追剿毛鴻賓郭嵩  
燕當懷遵疊次諭旨派兵迎擊務將侍逆一股悉  
數殲除梅嶺南雄均與湖南接壤著惲世臨嚴飭  
在防各軍認真會剿共掃寇氛如令闕入完善踈

竊地方必惟各該督撫是問江西信豐尙有賊氛  
汪海洋大股在瑞金境內楊岳斌卽飛催韓進春  
席寶田等軍實力進剿至皖南餘匪已由開化之  
華埠關入江境逼近玉山鮑超適赴省就醫聞報  
力疾啟行奮勇可嘉著楊岳斌等卽飭該提督出  
貴溪金谿之間確探賊蹤迎頭兜剿劉典由撫州  
到省親率所部由東鄉進發已抵貴溪卽著飭令

會同信防各軍實力夾擊務將全股撲滅毋任再有逃竄

初八日丙午略秉章奏言查啟蔡二逆於七月初

十日夜間自整屋地界竄入南山並據提督蕭慶高何勝必馳稟該逆被勦勢窮於七月初十二等日循黑塔各峪越南山冒雨宵遁蕭慶高何勝必分撥四營由捷徑馳赴洋縣與原駐

之一營合隊攔截二十四日該逆竄至洋縣蕭  
慶高何勝必分撥之四營先已馳至遂以一半  
護城餘皆赴槐樹關攔截該逆大股擁至各營  
併力抵禦究以賊衆兵單該逆循山上竄城固  
蕭慶高何勝必等馳赴漢中以備截勦復據建  
昌鎮總兵周達武馳稟該逆已於二十六日竄  
至柳林鋪距漢郡五十里臣卽飛催唐友耕周

達武江忠淑劉鶴齡等督率所部聯絡聲勢確  
覘逆蹤所向相機進勦儻該逆已越漢中府逼  
近川疆臣再飛調蕭慶高何勝必率軍躡蹤追  
勦以收夾擊之功奏入

上諭曰昨據劉蓉奏啟蔡二逆被官軍擊敗後餘黨  
狂竄階州該撫已飭蕭慶高等越境窮追與駱秉  
章此奏大略相同著卽飛催唐壽耕各軍偵探迎

勦並會合蕭慶高等軍夾擊務期翦滅淨盡毋令  
關入川境

同日徐宗幹奏言江西新城克復後敗匪悉竄  
石城瑞金等縣偏近閩省汀州邊界總兵關鎮  
國帶兵出境迎勦康國器亦撥隊伍馳往接應  
各軍迎頭衝擊賊衆紛紛敗走向雩都會昌一  
路遁去惟廣昌之驛前墟復有後股踵至該處

與汀屬甯化武平相近臬司張運蘭所部勇丁計日可抵汀郡該司卽由邵武馳往統帶確探賊蹤同關鎮國康國器等分軍前進與江西各官兵會剿以期一鼓殲旃再林文察度已抵泉州卽日酌帶隊伍來省似應確探汀屬附近江西各處軍情以定進止奏入

上諭曰瑞金竄匪雖已擊退仍應嚴防回竄竄近廣

昌之賊卽飭張運蘭馳往確探會同江西官軍迎  
勦以期一鼓殲除林文察已抵泉州著卽派令酌  
帶隊伍確探賊蹤所在痛加勦洗勿令闖入閩境

初十日 戊申 穆圖善奏旨查蔡啟股匪現據漢中

府稟報該逆向西奔竄又經略陽團勇分布相  
公山隘口奮力夾擊該逆拌死突圍由宜口郭  
家壩竄至白馬關餘賊已出陝疆並探該逆已



由文縣竄至四川龍安府境是漢南一帶已無  
賊蹤卽萬一回竄寶鳳曹克忠一軍可以兼顧  
又有撫臣所部諸軍合力追擊兵力已厚諒可  
無虞惟刻下甘省軍情甚爲喫緊臣已飭金順  
馬隊於八月二十七日起程赴甘計此時已過  
鎔州儘陝西將來必需馬隊臣前所請溫德勒  
克西等各起如蒙

俞允不久亦當抵秦卽可就近留陝以資勦辦奏入  
上命議政王軍機大臣傳諭官文穆圖善駱秉章劉  
蓉曰蔡啟二逆由略陽突圍經罝口郭家壩竄至  
白馬關餘賊已出陝疆穆圖善以甘省軍情緊要  
仍飭金順馬隊於八月二十七日起程赴甘計此  
時已過耀州辦理甚爲妥協著穆圖善卽飭金順  
統帶所部趨程前進協同勦洗前諭官文將溫德

勒克西等及蘇倫保馬隊派往甘肅交穆圖善統帶藍斯明等步隊如楚省軍情稍鬆亦令調撥赴甘著官文懷遵前旨趕緊籌撥催令飛速起程漢南一帶現在雖無賊蹤難保不復圖回竄如將來陝西有必需馬隊之處俟溫德勒克西等各起馬隊抵秦時著劉蓉酌度情形就近暫留若干藉資協助如陝省無須此項馬隊卽著劉蓉於溫德勒

克西等過境時催令星速遄行迅赴穆圖善軍營  
聽候調遣前據駱秉章奏逆匪竄至柳林鋪勢將  
窺伺通江南江邊隘或卽循黃官嶺以奔廣元茲  
據穆圖善奏賊已由文縣竄至龍安府境是該逆  
業由西路竄入川疆著駱秉章飛催唐友耕周達  
武等軍確探賊蹤星馳截勦並著劉蓉飭令蕭慶  
高何勝必兩軍跟蹤緊躡兩面夾攻以收聚殲之

效陝省此時雖已無賊各路防堵仍不可稍涉大意善後事宜亦當次第經理均著劉蓉妥爲籌辦

十三日

辛亥

楊岳斌沈葆楨奏旨查湖州廣德踞

賊分數路出撲有取道孝豐昌化者有向皖南者其大股竄至甯國縣境總兵劉松山卽率各營馳往截勦正與賊遇該逆不敢拒敵迎跪軍前哀請就撫劉松山卽令繳齊軍器概行薙髮

分別遣散八月初三日劉松山率領各隊進紮李家村堵剿前股回竄旋據參將彭緒忻稟報有由浙境折回賊黨一千八百餘人懇求歸順劉松山亦令就地遣散署皖南鎮總兵唐義訓沿途探聞大石門股匪與白牛橋另股均竄入老竹嶺合爲一股我軍行抵山陽坑中嶺遇賊接戰適壽春鎮總兵易開俊亦抵山陽坑兩路

夾擊賊乃大敗奔回浙境殲斃數百人解散脅  
從數百人逆衆悉遁淳安縣七八等都山內威  
坪沿河一帶均有浙師防守難保不仍圖犯皖  
唐義訓一軍遂駐紮歙南鎮大阜橋易開俊一  
軍卽駐山陽坑互相策應金國琛率馬步各營  
進紮歙南之王村煙村知府梅錦源率湘前五  
營移紮魚亭協力扼守道員王德榜一軍已至

婺源縣江灣地方防守總兵王開琳一軍已至  
婺源杜賊上竄江境查湖州廣德各匪闖入皖  
南者始爲劉松山收降五千餘人足挫賊勢復  
經唐義訓易開俊痛勦於山陽坑其鋒愈挫逆  
衆敗伏淳安山內浙師截其前皖軍杜其後前  
後夾擊勦撫兼施或可掃除淨盡不敢越皖入  
江但百密猶恐一疏臣等仍當諄飭該總兵等



審慎守禦毋任竄越江省東路尤當加意嚴防  
現飭孫昌國率內湖飛划上紮廣信弋貴河面  
加派外江水師四營協同扼守提臣鮑超由建  
昌拔營東行以顧廣饒兩路劉典雖未能先期  
入皖此時應至廣饒亦可作迎頭截擊之師  
楊岳斌沈葆楨又奏冒易開俊一軍在山陽坑  
勦賊收隊後探聞老竹嶺另股逆匪已彙擁過

嶺距山陽坑僅二里許易開俊派易致中等分  
路進勦自率馬隊親軍策應併力追殺共斃賊  
一千餘人生擒二百餘名八月初九日探得老  
竹嶺一帶又有續到股匪卽督隊邀擊歐陽廷  
等亦分路包抄易開俊率親兵直搗中堅賊始  
大潰我軍收隊仍回駐山陽坑十三日唐義訓  
探得溇安縣七八都之賊趨併五六都分股翻

山而出唐義訓分兵三路進擊陣斬悍賊數百  
人次日唐義訓復令馬登富等抄出後路自率  
唐義謨等過河橫擊該逆越嶺奔逃後股遂不  
敢再渡紛紛回竄經馬登富等截殺數百人約  
計兩日共殺賊千餘人解散數百人餘賊搜殺  
殆盡投降賊目王起汶等各願隨營效力其餘  
均令暫駐徽州城外聽候遣散臣已檄飭該鎮

等將降衆妥速遣散一面實力攔截兜擊務將  
竄匪悉數殲除毋任滋蔓

同日毛鴻賓奏旨逆匪屬聚江西撫建一帶經  
鮑超攻勦該逆卽竄入粵境進徧南雄州城南  
韶連道唐啟蔭派兵迎勦在湖口墟地方遇賊  
前隊迎擊獲勝賊於州東之長鋪橋及中站等  
處紮立大營分股橫出大庾縣屬之游仙而南

雄池東之始興翁源池西之仁化樂昌皆爲賊  
蹤所徧近據獲賊供稱有云取道南韶順流直  
下者有云江西上竄之賊分花旗黃旗兩股花  
旗欲徑竄廣東黃旗欲由福建竄廣東是賊之  
注意廣東爲最甚廣東沿邊設防惟南雄軍情  
尤爲緊急當飭唐啟蔭統籌全局嚴密防勦鄭  
紹忠潘其泰各軍擇要駐紮以顧北江一路其

東江一路現飭方耀一軍駐紮八尺墟以扼其衝另派守備黃添元補用都司鄧安邦千總鄧奮鵬雇募槍手二千名暫駐省城以備調遣江西各軍聞已進至甯贛等處跟蹤追逐至今並無一營繞前截擊臣已咨商提臣鮑超請派王衍慶五營繞出贛州以南會同廣東防兵四面掩擊使此賊不得肆行猖獗以期保固邊陲均

奏八

上命議政王軍機大臣傳諭楊岳斌毛鴻賓沈葆楨  
郭嵩燾曰湖州廣德竄出之賊闖入皖南經劉松  
山收降五千餘人復經唐義訓易開俊痛勦於山  
陽坑其鋒愈挫逆衆敗伏涇安山內其老竹嶺等  
處另股逆匪亦經易開俊等督軍邀截斬殺解散  
甚衆卽著楊岳斌督飭皖軍乘此聲威會合浙師

聯絡兇孽盡殲醜類至收降太衆宜防反側其隨  
營效力之賊目王起汝等尤應加意防範毋令患  
生肘腋並著楊岳斌飭令皖南將弁妥籌辦理勿  
稍大意此次紛竄各股賊匪未能赴皖入江具見  
皖軍遏截之效現在鮑超已由建昌拔營東行以  
顧廣饒兩路楊岳斌等復派孫昌國督帶水師嚴  
扼廣信等處河面東路防守已固仍著楊岳斌沈



葆楨督率在事文武審慎守禦百密毋致一疏據  
毛鴻賓馳奏逆匪由江西竄入粵界分隊進徧南  
雄州城雖經唐啟蔭督兵攔截獲勝而賊勢蔓延  
南雄迤東之始興翁源迤西之仁化樂昌皆有賊  
蹤據獲賊供稱有云取道南韶順流直下者有云  
江西上竄之賊花旗賊欲竄廣東黃旗賊欲由福  
建竄廣東者廣東爲賊匪注意之區而惠潮嘉三

屬尤首當其衝毛鴻賓現已飭令唐啟蔭等募勇  
增兵防堵北江一路方耀等軍防堵東江一路又  
另委守備黃添元等募選練勇以備調遣並爲省  
城巡防之需所懸尙屬周密卽著毛鴻賓郭嵩燾  
督飭在事員弁實力扼剿迎頭截擊毋令賊蹤紛  
竄擾及完善之區前據楊岳斌等奏賊匪被剿竄  
粵江西各軍不能越境追剿當經諭令粵東地方

緊要該督等務當派兵追擊毋任滋蔓難圖現在  
南韶一帶賊勢甚熾新募之兵恐不足以制賊死  
命著楊岳斌沈葆楨懷遵前旨迅飭甯賴等處防  
兵剋日拔隊越境會剿不得畛域攸分貽誤大局  
其毛鴻賓咨商鮑超調派之王衍慶五營並著楊  
岳斌等催令迅速起程赴粵以厚兵力

十四日

壬子

官文奏言八月二十八日羅田踞賊

馬隊分竄駱駝坳楊朝林率各營由山後橫出  
列陣以待梁洪勝由駱駝坳大路抄出賊旋退  
竄我軍正在追勦另股馬賊直抵羅田縣城東  
關楊朝林等奮力衝殺斃賊數十餘名天晚收  
隊又英山之賊分竄英山蘄州交界之打虎廠  
衝撲長鎮卡四角寨該處團勇堵禦殺賊多名  
賊竄撲永鎮卡團紳駱雲煒等督勇迎擊賊始

敗退此蘄水羅田與英山相連之賊仍復依山  
固踞我軍勦擊之情形也准僧格林沁咨稱前  
竄光羅髮捻避兵而行已至新店地方逸入楚  
境道途紛歧東竄則麻城南竄則黃安西竄則  
英山處處宜防又據探報該逆由光羅交界之  
文曲寺向家店回竄麻城之張店順河集新集  
一帶分股闖入黃安境內四出奔突擾及黃安

東北腹地其時下游蘄水羅田與英山毗連之處羣盜如毛攻勦甚緊兵力萬難抽分臣調李成謀周鳳山姜玉順等迅卽拔營取道黃陂河口馳赴黃安併力截擊復令唐協和一軍扼紮蘄水團陂楊朝林等扼紮略駝坳鴨子畝並飭營總桂廉等軍前往黃州之東三台河堵扼飭水師張啟基等自蘭溪下巴河至鷄子湖團風

鵝公頸內湖一帶巡防又以萬化林所統礮船  
八隻駛赴倉子埠巡防布置嚴定而回竄黃安  
之賊由麻城之料棚宋埠直犯上巴河一帶萬  
化林自率水師由鵝公頸馳抵辛家衝賊已盪  
擁來撲並分竄白塔河等處萬化林飭各船排  
礮迎擊該逆始行退去八月三十九月初一初  
二等日該逆分竄黃岡屬之嚴家嘴斬水下巴

河之七里鋪及六神港竹林墩經李濟清左光  
培張啟基水師轟擊水勇復登岸截殺賊遂奔  
走又據周鳳山等稟報黃安敗賊經周鳳山李  
成謀疊次追擊悉趨蘄水見有準備始行退去  
其頭股已下竄蘄州曹家河而尾隊尙在蘄水  
境內查此股逆匪實由河南回竄勢極剽急旣  
爲僧格林沁馬隊追擊又因楚軍於三里城堵



禦緊嚴未能竄越乃繞道復犯黃安徑行下竄  
原欲與蘄羅英三處之賊合股使成大吉等軍  
腹背受敵斷其糧道或且徑犯黃郡窺伺大江  
賴李成謀周鳳山等軍晝夜窮追使賊不得喘  
息又賴沿湖沿河各水師齊心橫擊之力此回  
竄黃麻賊匪徑犯腹地水陸各軍追擊之情形  
也探聞僧格林沁之軍已到麻城臣卽飭馬步

各軍迅由上巴河下駛其盤踞斬水羅田與英  
山相連之賊負嶠如故崇山峻嶺路徑險仄賊  
旣傍山死拒則我軍自下擊上仰攻實難誠恐  
徒傷精銳不如俟各路大兵到齊以期功成一  
舉且成大吉等後路運道已爲斬水之賊圍逼  
梗阻實深焦灼已飛飭李成謀周鳳山進領前  
軍糧路並專員飛催姜玉順等馬步各隊星夜

續進務期力解此圍惟蘄州等處甚屬空虛若  
楚省攻急賊必下竄臣前已飛咨皖省令劉連  
捷朱洪章由皖之宿松太湖一路節節迎勦以  
便與楚軍會合夾擊早殄逆氛

同日張之萬毛昶熙奏言查東竄之僞端王及  
馬融和等股據探仍踞英霍一帶僞扶王等股  
由六安之流波竄徑向東竄又折而西南盤踞

漫水河地方張曜一軍扼茶商六交界之兩河  
口當卽跟蹤進剿槍紮流波碰並由張曜先帶  
兩營往商英翰郭寶昌合力勦辦以扼東路其  
遵逆等股均竄黃安麻城境內分三路盤踞一  
在東南之范店一在正南之苦竹坳一在西南  
之雙山門卽以雙山門爲老巢陳國瑞等直從  
西南進攻衝散賊隊斃賊無算八月二十七日

我軍出其不意併力進發該逆悉股夜竄陳國  
瑞等揮軍追殺二十餘里至黃安大山該匪依  
險負嵎溝深路窄勢難猝攻遂收隊暫紮箭卡  
河以扼回竄現探黃麻之賊又復竄至石香鑑  
黃土岡等處逼近西界嶺切近商城該處雖有  
李大成一營僅足守城此時陳國瑞宋慶楊長  
春等馬步各軍均隨僧格林沁在西路追勦由

箭卡河前進勢難分軍東顧而張曜則已赴皖  
援勦臣等一面函商僧格林沁一面飛飭張曜  
確探賊蹤如偏近豫疆卽督率所部回軍商城  
相機扼守毋令逆蹤竄入並嚴飭地方文武集  
團守隘以保豫疆均奏入

上命議政王軍機大臣傳諭僧格林沁官文喬松年  
張之萬毛昶熙曰遵逆等股在黃安麻城境內分

路盤踞經陳國瑞等揮軍追殺賊竄黃安大山依  
險負嶠該處溝深路窄馬隊難於施展豫省步軍  
又多疲乏亟須勁旅協勦以厚兵力著官文嚴檄  
成大吉等軍會同僧格林沁所部及豫省官軍協  
力兜勦四面圍攻以期聚而殲旃並著張之萬毛  
秉熙激勵將弁實力進攻如該逆逸出山險卽著  
僧格林沁督飭馬隊官軍痛加勦洗黃麻之賊復

竄至石香鑪黃土岡等處偏近西界嶺圖窺商城  
該處僅有李大成一營兵力實形單薄張之萬擬  
調張曜回軍商城扼守張曜現在扼紮六安之流  
波碰等處應否調回商城以固豫省邊防之處著  
僧格林沁體察情形相機辦理偽端王及馬融和  
等股仍踞英霍一帶偽扶王等股由六安之流波  
碰折竄漫水河地方是皖省邊境匪勢尙形滋蔓



著喬松年督飭在防各軍節節掃蕩將各股匪迅  
速殄除肅清疆圉據官文奏蘄羅賊匪仍復依山  
固踞光羅之賊繞道回竄黃安擾及麻城黃岡地  
界經水陸官軍追擊悉趨蘄水蘄州與張之萬等  
所奏賊由黃麻偏西界嶺已近商城情形不同是  
否該逆由黃安分股竄逸著官文張之萬探明賊  
蹤分投勦洗成大吉等後路運道已爲蘄水之賊

圍偏梗阻官文當督飭李成謀周鳳山等軍星速  
解圍疏通成大吉等軍糧路再圖進剿斬水羅田  
英山毗境賊匪負嵎如故著官文飛飭劉連捷朱  
洪章等軍由宿松太湖一路節節迎剿力顧蘄州  
等處要隘僧格林沁之軍如已到麻城卽著相機  
會剿以資厚集

同日左宗棠奏冒逆酋劉得義等率衆投誠後

餘賊均由遂安昏口一路竄走總兵王開琳道員王德榜聞賊偏遂安卽各率所部由源婺馳往截擊斃賊數百名羣賊繞竄開化七都村頭劉明珍率各營進至村頭三路縱擊陣斬逆首劉蘋鳩等多名賊前隊已由二三都闌入開化縣城以一股牽拒追軍一股直向華埠玉山竄去八月二十一日劉明珍急率各營追勦黃少

春亦派總兵楊芳桂合軍齊抵開化城下賊悉  
衆來撲官軍乘勢追殺俘斬多名是日王德榜  
一軍由婺源馳至會台劉明珍所部各營分路  
進擊賊不能支急向華埠一路竄逸是日僞天  
將汪茫和等率黨四五百人赴康榮詔營中乞  
降二十二日王開琳王德榜等軍追至七都球  
村內花旗悍賊數千拌死拒戰官軍大隊齊至

縱橫痛擊斃悍賊數百名賊勢潰散奪路狂竄  
一向玉山一向江山而遁王德榜王開琳等分  
路追擊沿途斬馘不計其數是日劉明珍馳抵  
常山設伏草坪二十三日該逆大隊擁至伏軍  
突出奮擊劉明珍督隊橫貫賊陣截爲兩斷前  
股翻山竄向江山邊界後股僞方王等均被官  
軍擊斃餘黨數千僞天將胡元懇等率之乞降

劉明珍受之分別留遣一面飭黃本富等疾趨  
江山截勦二十四日黃本富督隊由新塘邊馳  
擊王德榜亦率所部追至賊望風而潰僞天將  
方幅汰等率黨數千赴王德榜軍前乞降餘賊  
盡趨廣豐王開琳一軍追至玉山乘夜密飭各  
營銜枚疾進適遇大股粵賊正擁幼逆逃竄官  
軍兩路抄襲各逆持洋槍對擊我軍四面蹙之

殲斃悍賊二百餘名幾擒幼逆爲粵賊拌死潰圍挾走官軍緊追二十餘里至二十五日午刻始行收隊此次逆賊由湖州廣德甯國上竄經官軍屢次截剿湖州首逆黃汶金廣德首逆黃汶英就戮李士潰生擒其餘著名賊目亦十殲八九浙省全境肅清惟洪幅瑱一犯自金陵逃

出至今尙未就縛現由江西廣豐竄入鉛山縣

境一向紫溪車盤一繞鉛城向湖坊一路逸去  
死黨尙有數千臣調度遲延未能辭咎幸劉典  
一軍已抵貴溪黃少春劉明珍兩軍已赴廣信  
河口一帶王開琳王德榜等亦率部跟蹤急進  
當可前後夾擊臣已嚴飭各軍無論逆賊竄江  
竄閩務期悉數殲除不敢任令漏逸所有黃少  
春王開琳王德榜劉明珍各軍出力將弁應暫



山臣存記仍俟洪幅瑱全股殲滅再行奏請從優保獎奏入

上命議政王軍機大臣傳諭左宗棠楊岳斌沈葆楨曰逆匪由遂安昏口一路竄走關入開化總兵王開琳副將劉明珍等合兵追擊賊不能支由華埠竄江山玉山疾趨廣豐沿途殲斃甚衆受降亦近萬人洪幼逆幾被擒獲復爲粵逆拌死挾之而走

現由廣豐竄入鉛山縣境一向紫溪車盤一繞鉛城向湖坊一路逸去死黨尙有數千現在劉典一軍已抵貴溪黃少春劉明珍兩軍已抵廣信河口王開琳率衆跟追著左宗棠楊岳斌沈葆楨督飭諸軍前截後追毋留遺孽所有追賊出力之黃少春等著左宗棠暫行存記俟洪幅墮全股殲滅再行奏請優獎左宗棠自入浙以來克復城隘數十

處肅清全境厥功甚偉本欲卽加懋賞恐該督以  
洪幼逆未滅必將固辭一俟餘逆淨盡卽降恩旨  
浙省軍務已竣地方應辦一切善後事宜該督當  
督飭司道等次第辦理以期奠安閭閻鮑超由建  
昌拔營顧廣饒兩路楊岳斌等復派孫昌國督帶  
水師嚴扼廣信等處著卽懷遵昨奉諭旨督軍會  
合浙師迎勦以期一鼓殲除收降之衆過多仍飭

各軍妥爲駕馭如遣散其衆尤須審慎辦理以防  
後患

欽定勦平粵匪方略卷三百九十三

甲子年

九月十六日

甲寅

喬松年奏言逆匪不得逞志六

安遂竄聚英霍一帶圍攻蔣凝學之軍並分擾

潛山邊境英翰郭寶昌自攻克金家寨後臣卽

飛飭向霍山躡剿並飭蔣凝學嚴守以待現據

英翰郭寶昌稟報分兩路進兵該逆見我軍奮

勇直前紛紛奔竄窺伺潛山之賊亦俱折回併

向西南一路狂奔我軍節節緊逼追至英境又據蔣凝學稟稱英山逆賊圍攻官軍營盤而月並斷我糧道蔣凝學以戰爲守督軍設伏屢挫兇鋒該逆疊次受創適見援軍大至遂退竄斬羅一帶復經蔣凝學尾追斬擒甚衆英霍已無賊蹤該逆現雖被勦西趨難保不乘閒回竄且楚境麻城等處又有賊氛西北兩路之防尤應

慎之又慎楚省所派譚仁芳來皖一軍爲賊所  
隔迄未能來曾國藩所派劉連捷朱洪章朱南  
桂等軍及續派之李榕王可陞何紹彩等軍指  
日可到或越境進剿或分駐英霍當由曾國藩  
酌度辦理蔣凝學一軍現據官文咨調回楚臣  
查該道扼守英山極爲得力未便遽離已咨覆  
官文仍暫留該道於皖並飭英翰等卽於英霍

交界扼要駐紮既可援應英山又可回顧六安  
仍飭張得勝留兵防守六安撥帶三營前進扼  
駐流波礮等處與英翰互相聯絡至豫賊擾及  
光息淮北亦須戒備揚州調來富陞之馬隊現  
已起程臣卽飭其駐紮蒙城縣以資防禦奏入

上命議政王軍機大臣傳諭僧格林沁官文曾國藩  
喬松年曰逆匪竄聚英霍圍攻蔣凝學之軍並分



擾潛山邊境經蔣凝學督軍苦戰屢挫兇鋒復經  
英翰郭寶昌儘力追勦該匪遂退竄斬羅一帶蔣  
凝學乘勝尾追斬擒甚衆英霍已無賊蹤勦辦甚  
屬出力蔣凝學等均著先行存記俟軍務大定由  
喬松年奏請給予獎勵現在逆蹤雖已西趨難保  
不乘閒回竄蔣凝學扼守英山極爲得力未可遽  
令赴鄂其英霍交界卽著飭令英翰扼要駐紮妥

籌援應六安及流波磴一帶仍責令張得勝認真  
防守與英翰等聯絡聲勢嚴密戒備會國藩前派  
之劉連捷朱洪章朱南桂等軍及續派之李榕王  
可陞何紹彩等軍計已到皖此時英霍已無賊蹤  
自應越境進剿卽著會國藩喬松年飭令拔隊赴  
鄂會合楚師兩面夾擊盡殄賊氛會國藩現赴江  
甯距英霍一帶較遠若派出諸軍悉由會國藩調

度軍情旦夕變遷千里請命深恐緩不濟急所有  
劉連捷等軍已抵皖境以後一切進剿機宜即可  
由喬松年斟酌調派以期無誤事機蘄羅等處賊  
氛屬集官文當懷遵前旨督飭在事將弁實力扼  
剿並飛調劉連捷等軍追擊僧格林沁之軍如已  
到麻城並著相機會剿以資厚集

十八日

丙辰

略秉章奏言查啟蔡二逆竄至漢南

陝軍跟蹤追勦該逆知通江廣元皆已有備乃  
由褒沔橫竄略陽陝軍候補同知直隸州知州  
黃鼎復力戰獲勝該逆遂由白水江西竄階文  
意將出畢口以窺川西臣已飛調總兵周達武  
知府江忠淑參將劉鶴齡移防昭化平武江油  
一帶期與陝軍夾擊以遏奔突而期速殲奏入

上命議政王軍機大臣傳諭駱秉章曰啟蔡二逆渡

白水江西竄階文意將出畢口以窺川西著駱秉  
章飛檄周達武等軍移防昭化平武江油一帶與  
陝軍前截後追迅殲醜類

二十日戊午暫護陝甘總督甘肅布政使恩麟奏

言據鞏秦階道林之望署成縣知縣嚴厚培稟  
報髮匪蔡逆一股約二三萬人被陝西兵勇追  
至略陽縣盤踞數日卽撲甘肅徽成二縣地界

經兵團堵遏未得深入該匪復退至略陽由階州所屬之堯坪白馬關等處直抵州城將階州城垣攻陷同城文武不知下落臣因省城無兵可撥卽飭林之望督派勁勇馳往擊勦復添調洮州土司楊元岷州土司馬棠各率所屬番丁由開道進並分飭附近州縣號召民團聯絡聲勢扼要嚴防此股髮逆原因西師追勦甚緊以

致鋌而走險奔竄入甘以甘肅凋敝之餘瘠苦甚於昔日該匪之志恐仍在川陝而不在甘肅第川陝兩省祇以堵遏驅逐爲事是徒令甘省更遭糜爛川陝仍不能安枕現計該匪喘息未定惟有仰祈

聖鑒令川陝督撫分飭各營一體剋期進兵與甘肅調到各軍三面兜拏聚而殲旃庶免此擊彼竄

之患奏入

上命議政王軍機大臣傳諭駱秉章劉蓉恩麟曰蔡  
逆一股由陝西略陽直撲甘肅徽成兩縣經兵團  
堵遏退至略陽復犯階州致將州城攻陷恩麟現  
飭林之望馳往勦辦而兵力單薄必得各路援兵  
會勦惟前據劉蓉奏敗匪紛竄階州已派蕭慶高  
等追擊當經諭令駱秉章飛催唐友耕等軍探蹤



迎勦劉蓉飭蕭慶高何勝必兩軍跟追現在賊已  
攻陷階州逆氛正熾何以該軍尙未趕到著略乘  
章迅卽檄令唐友耕周達武等由階州一路前進  
迎頭截擊劉蓉所派追賊之蕭慶高等軍現在行  
抵何處著劉蓉嚴飭該員等迅速進兵力圖掃蕩  
如再不能得力卽將該員等嚴叅治罪甘肅凋敝  
之區非賊所注意其意仍欲乘隙圖擾川陝階州

境地與川陝兩省毗連川陝兵勇果能越境勦賊  
卽所以自固疆圉駱秉章必能不分畛域協力助  
勦此股賊匪本由陝省敗竄入甘劉蓉不得以驅  
賊出境遂爲了事階州失守詳細情形及文武員  
弁下落著恩麟查明具奏

二十一日

己未

沈葆楨奏言查玉山踞賊經林珠

陳開楚等擊勦殺斃無數餘賊竄太平橋繞至

江山界以出廣豐顧雲彩統仁右營會林珠擊賊於廣豐之施村斃黃衣賊目多名賊陣仍屹立不動陳開楚等以精銳抄出其後賊乃大潰共斃賊千餘名張岳齡探聞賊至玉山派李佑厚扼大南橋賊由施村竄縣東之杉溪都司吳得意等怒馬衝入蕭賞謙等復從街後抄來羣賊驚惶失措紛紛投水張岳齡乘勝追擊復斃

兩廣老賊全天義等數十名其時王德榜王開  
琳劉明珍各率師由浙掃蕩入江擊賊於七都  
球殺廣賊九百餘名劉明珍擊賊於草坪收降  
二萬餘人賊退江玉交界之新塘邊王德榜等  
麾軍進剿陣斬洪幅瓊之堂兄洪沅珍李遠繼  
之姪李全信二名花旗羣賊正擁幼逆而行王  
開琳馳出賊前賊以槍隊死拒丁長勝等身先

士卒官軍益奮共斃賊千餘名王開琳復飭朱  
義和等先進大隊繼之又斃賊多名該逆竄走  
鉛山界賊勢甚蹙提督黃少春與王德榜及劉  
明珍所部會於河口知賊必趨湖坊黃少春等  
遂分三路進擊殺悍賊千餘名洪幅瑱與羣逆  
攀崖而遁我軍追及於距陳坊十里之荒山該  
逆號哭之聲徧於巖谷黃少春王德榜復擊之

於陳坊沿途斬馘不可勝數王德榜受降三千  
餘人廣信所屬一律肅清所有尤爲出力之布  
政使銜浙江道員王德榜等及陣亡之都司何  
明德等謹先行開列奏請分別獎卹

沈葆楨又奏言再准劉典咨稱幼逆洪福瑱僞  
祐王李遠繼均薙髮扮作難民率餘黨由陳坊  
過高岡竄花橋分兩股一由雲際關出光澤境

一由茶山出瀘溪境晝則不入村莊夜則用香  
火照行並無停趾席寶田聞賊之出瀘溪也截  
之於珀玕而其入光澤者復走杉關鮑超馳赴  
南豐截勦竊計殘匪數千避兵而行不循蹊徑  
其氣衰竭無足重輕惟瑞金被汪海洋丁汰洋  
所踞攻破民寨數處聚糧煎硝其勢復熾追李  
侍賢挫於南安其分擾興國信豐會昌龍南崇

義各界之賊亦經官紳兵練先後合力擊退相  
率入粵汪海洋勢難孤立行將遁走乃聞湖逆  
西來李侍賢解南雄之圍遂分股回竄韓進春  
聞報馳至賊遁零都之銀坑分犯興國之上下  
謝零都之仙露觀均經團勇擊退又接准鮑超  
函開如甯豐截之不及卽由甯都馳赴瑞金臣  
查東路肅清我軍可以專注西路鮑超謀勇兼





賊於七都球等處收降二萬餘人陣斬洪沅珍李  
全信等花旗羣賊擁洪幼逆而遁王開琳追至鉛  
山界上斃賊多名黃少春王德榜復追賊於陳坊  
湖坊等處沿途斬馘不可勝計匪勢寢衰著左宗  
棠楊岳斌沈葆楨等督飭江浙各軍儘力窮追一  
鼓殲除毋令死灰復燃洪幼逆李遠繼均薙髮扮  
作難民率餘黨分股竄光澤瀘溪一帶不循蹊徑

避兵而行雖其氣衰竭而行蹤殊形詭祕設亡命窮奔與前股之賊會合則其燄又將復熾且殘匪尙有數千非零星落荒之賊無足輕重者可比仍著檄令各軍奮力窮追務將洪李各逆剋日擒獲並飛飭沿路經過地方認明蹤跡一律訪拏汪丁各逆現踞瑞金攻破民寨而分擾興國信豐會昌龍南崇義各界之賊分股回竄韓進春等馳往勦

擊復分犯興國之上下謝零都之仙露觀賊氛壓  
集勢殊死鬪必須迅圖掃蕩江省東路業已肅清  
正可騰出兵力專意西指以期厚集鮑超擬由甯  
都馳赴瑞金著左宗棠楊岳斌等督飭全軍合力  
兜擊務將幼逆一股杜絕竄路各路餘匪殄滅淨  
盡並著徐宗幹毛鴻賓郭嵩燾嚴飭防軍會同追  
兵合力夾擊毋令紛竄皖南防務已鬆著曾國藩

酌調數營會合江浙等軍將竄賊悉數誅劔以竟  
全功前由江入粵之賊進徧南雄州城分竄翁源  
樂昌等處近日勦辦情形若何著毛鴻賓郭嵩燾  
隨時具奏

上諭內閣曰江西東路賊匪竄擾玉山等處經江浙  
各軍節節掃蕩分投雕勦廣信府各屬一律肅清  
勦辦甚爲得手所有尤爲出力之道員王德榜著

交軍機處記名遇有按察使缺出提奏張岳齡著  
賞加按察使銜總兵顧雲彩著交軍機處記名遇  
有提督缺出請旨簡放李佑厚著賞給效勇巴圖  
魯名號副將李運勝著交軍機處記名遇有總兵  
缺出請旨簡放參將林珠著以副將仍留江西補  
用其餘出力員弁兵勇著沈葆楨查明請獎陣亡  
之都司何明德謝吉祥均著交部從優議卹

二十三日

辛酉

左宗棠奏言湖州廣德之賊敗竄

江西廣豐總兵王開琳副將劉明珍率所部緊  
追八月二十六日馳抵上饒縣屬鐵山地方遇  
賊尾隊揮軍進擊賊向鉛山小路敗走劉明珍  
率所部會合王開琳兩路齊進逆賊奪路狂竄  
官軍乘勢趕殺王開琳復督大隊馳至共斃悍  
賊數百名生擒多名二十七日該逆竄至鉛山

楊村五都一帶距河口鎮二十餘里時提督黃少春道員王德榜兩軍已抵河口料賊必走湖坊陳坊嚴陣以待二十八日賊至湖坊見官軍猝至餘黨僞王宗譚姓等率衆乞降黃少春卽令降衆回戈擊賊自率各營及王德榜所部繼之官軍併力追殺偏近陳坊三面蹙之僞王宗譚長元等率黨千餘赴王德榜軍前乞降王德



榜受之二十九日黃少春等因連日馳勦兵力  
疲乏甫收隊還適總兵劉明燈道員李耀南等  
六營馳至黃少春當飭各路躡蹤緊追時溫處  
道魏喻義亦率所部由玉山廣豐馳抵陳坊見  
賊從雲際關竄逸卽督隊由大路進追及賊之  
尾隊擊殺數百名解散無算餘賊向福建光澤  
及江西瀘溪新城境界翻山鼠竄其由茶山竄

瀘溪地界者據劉典函報僅一二千人均無器械該軍在貴溪截之將其尾隊擊敗現在江西金瀘新城一帶兵力厚集無虞竄漏洪幼逆李遠繼等由江閩邊界山徑偷越餘黨不過三四人所過各處不住市鎮夜則燃火照路散漫奔走形勢極爲窮蹙臣前慮其闖入閩邊已飛飭康國器張運蘭相機截勦浙軍往返奔馳前

在歙南截勦之時病者已有三分之一茲復忍  
飢露宿病者十居六七劉典新募之軍三千餘  
人入江以來轉戰而前未稍休息亦多疾病幾  
至不能成軍不得已令各軍暫留弋陽河口一  
帶稍爲養息仍酌挑精銳相機追勦此次各軍  
逐北千有餘里備極艱劬可否併入克復湖州  
安吉案內保獎之處出自

天恩至屢奉

諭旨務將幼逆捕獲現仍漏網稽誅臣調度遲延咎  
無可道應請

旨將臣交部議處奏入

上命議政王軍機大臣傳諭左宗棠楊岳斌毛鴻賓  
徐宗幹沈葆楨郭嵩燾曰此股逆匪由皖浙邊界  
上竄人數衆多經浙軍斬擒不少入江後復經王

開琳等追勦於廣饒鉛山等處其由茶山竄瀘溪  
地界者僅一二人現在江西金谿新城一帶兵  
力不少著楊岳斌沈葆楨督飭各軍搜捕以清餘  
孽洪幼逆李遠繼等由江閩邊界山徑偷越勢極  
窮蹙著左宗棠徐宗幹督飭張運蘭康國器相機  
截勦勿令闖入閩邊楊岳斌等仍當飭軍跟追無  
稍疏懈前由江入粵之賊竄偏南雄等處著毛鴻

賓郭嵩燾妥籌辦理並將近日情形速行入奏如  
續有竄入餘匪務卽督飭兵練迎剿勿任深入爲  
患浙軍往返奔馳傷病不少著照左宗棠所請暫  
留弋陽河口稍爲養息各軍追奔逐北千有餘里  
備極勤劬著准其彙入克復湖州安吉案內一併  
保獎洪幼逆踉蹌逃走已極狼狽終必就擒左宗  
棠惟當督飭閩浙諸軍合力夾擊勿任漏網以竟

全功所請交部議處著加恩寬免

左宗棠又奏言前據總兵劉明燈搜獲忠逆李秀城之子李士貴據供湖北江夏人咸豐二年湖北省城初次失陷時被李秀城擄去爲子改名李士貴咸豐十一年加封僞二殿下率黨萬餘扈隨李秀城竄擾安徽湖北江西浙江江蘇各省兩陷杭城本年三月間由丹陽竄至廣德

復到湖州與黃汶金合股六月閒幼逆洪幅瑱  
自金陵缺口衝出沿途除擒斬逃散外至廣德  
實有五百餘人內有僞養王吉罄元僞揚王李  
名城卽李秀城之胞弟並李秀城之母及李秀  
城親生兩歲之子該逆由湖州廣德甯國竄至  
歙南被擒時洪逆及僞祐王李遠繼僞偕王譚  
體元僞干王洪茫玕僞揚王李名城及李秀城



母子已先渡河以後事均不知悉其僞首王范  
汝增受傷後實已身死臣因各營搜獲逆目甚  
多其逃匿降衆之中潛易姓名希圖倖免者當  
復不少飭各營嚴密盤詰暫留李士貴質認稍  
緩處決奏入報

聞

二十六日甲子官文奏言光羅髮捻晝夜東趨勢

甚剽疾而羅田踞逆亦欲與蘄水一帶踞匪勾

合以困官軍九月初一二等日楊朝林等分途

攻擊該逆大敗狂奔我軍乘勢掩殺擒斬及解

散者甚夥遂將羅田之鴨子畝七區匡家河等

處賊巢一律掃平敗賊悉竄蘄水蘄州與光羅

回竄之髮捻合股盤踞初三日逆首陳德才馬

融和率大股擾及關口逼近富森保營壘並分

股繞圍營後總兵石清吉聞信督兵赴援梁洪  
勝亦率所部由駱駝坳星馳援應初五日大霧  
該逆馬步數萬復來猛攻富森保連施槍礮該  
逆攀樁越濠我軍奮力抵禦逆匪環攻不退石  
清吉行至葯山霧仍未散河東之賊紛紛渡河  
抄出援軍之後將石清吉四營截爲兩段首尾  
不能相顧石清吉躍馬當先縱橫盪決立斃悍

賊數十名該逆遙擁來迎刀矛攢刺石清吉身  
被九創力竭陣亡副將江星南等同時遇害成  
大吉督隊疾趨馳出關口梁洪勝由左路馳至  
兩面夾擊將石清吉屍身槍出富森保卽帶全  
隊衝出重圍斃賊極多該逆向三家店楊家祠  
堂一帶奔逸富森保卽與梁洪勝營於駱駝坳  
圖解成大吉各營之圍先是李成謀因賊由黃

安回竄由麻城橫出追擊將移營蘄水進紫雲  
茨嶺距月山五六里九月初六日賊由月山竄  
出分路衝撲李成謀督隊迎勦該逆敗走復在  
月山馬橋築卡初七日李成謀派撥馬步分路  
進攻平其卡壘月山之賊悉向蘄水大路狂奔  
其蘄水之蘭溪爲前敵運道該逆時圖竄犯經  
礮船堵禦嚴密未得逞志紛向竹林墩東家橋

道士橋顏家灣華家市一帶槍撲經總兵張啟  
基等師船迎擊遂向東北遁去而另股髮逆已  
由六神港一帶竄至蘄州之界嶺曹家河等處  
經曾紹霖督礮船擊退逆股折回蘄州之菩提  
場其竄擾廣濟之賊蔓延田家鎮武穴等處總  
兵丁泗濱派船迎擊殺賊多名該逆仍踞重山  
黃泥湖彭玉麟又派水師總兵王吉督帶礮船

上駛協防查髮逆東竄已入英山霍邱原擬將  
蘄羅牽掣之賊偏之山境以備與皖軍夾擊乃  
自光羅髮捻繞道闖入楚疆由黃安麻城下竄  
與之勾合復肆猖獗逆首陳德才馬融和倪瀧  
懷吳義汰等屬聚於蘄水之東南北西南延及  
廣濟百出詭謀每因山勢圍我營壘而英霍之  
賊又皆回竄蘄水成大吉一軍及飛虎七營遂

爲賊匪層層圍裹未能驟出臣先以上游腹地  
緊要檄飭姜玉順蕭河清溫德勒克西常星阿  
蘇倫保等在白杲新洲等處駐紮扼其上犯嗣  
因僧格林沁調派翼長成保總兵陳國瑞馬步  
二十餘營已紮白杲等處楚軍後路可保無虞  
遂將姜玉順等營檄赴下游蘄水巴河會合李  
成謀相機進剿以解成大吉之圍惟是蘄水蘄



州羣盜如毛到處亂竄牽掣我軍不能合圍賊  
既無意東竄勢必與我軍拚命死鬪乘隙圍循  
舊路再肆鴟張總須設法先將成大吉救出重  
圍方能再畫進攻之策就現在情形而論必俟  
楚軍追賊出境與皖軍夾擊莫若皖軍迎勦而  
上與楚合圍就地殄除蔣凝學六營本係楚師  
已調赴蘄水駐紮外一面咨調劉連捷一軍由

英霍赴楚堯勦相應請

旨飭下曾國藩喬松年迅飭皖省防軍星夜來楚在  
鄂旣厚添兵力在皖仍穩固藩籬賊若橫出河  
南僧格林沁現駐商城馬隊更易於得手無論  
在楚在皖在豫或併力而勦或分路而追總當  
不分畛域合力堯揜以期盡殲醜類總兵梁洪  
勝前因紀律不嚴摘去頂戴此次因富森保被

圍馳赴救援深知愧奮合無仰祈

天恩開復頂戴以示鼓勵

官文又奏冒接奉

諭旨飭調溫德勒克西等隊赴甘肅應欽遵辦理惟  
查湖北髮捻交乘屢聚於蘄水蘄州以至廣濟  
黃梅光羅之賊回竄由上而下英霍之賊自東  
而西延亙二百餘里羣盜蝟集猶幸姜玉順溫

德勒克西常星阿蘇倫保等馬步各隊探知賊蹤上犯仍卽繞出賊前扼紮岐亭宋埠而蕭河清藍斯明等亦趕至石屋山得勝山與溫德勒克西等軍分紮柳子港力遏兇鋒該逆未得逞志現飭該軍等覘賊所向務將此股逆匪極力攻剿先清後路再赴蘄水蘄州會剿大股髮捻現據探報於十二日開仗擒斬頗多是白果之

賊踞則力勦行則力追保全腹地賴此數軍此時不但馬隊驟難抽調卽藍斯明等步隊亦有萬難分撥之勢甘省情形喫重臣不敢稍存膜視無如楚氛未平不能不先其所急乘此金陵克復急將各省餘孽殄除東南大定再行分撥赴甘

同日喬松年奏言連日接據探報楚境北路竄

匪由麻黃趨併斬羅與原踞之賊合股圍攻成  
大吉等營盤甚急蔣凝學一軍已爲官文調赴  
羅田助剿現在皖境六安英霍雖無賊蹤尙須  
一體嚴防張曜一軍現駐金家寨張得勝現駐  
流波礮可顧西路門戶英翰郭寶昌兩軍現飭  
仍紮英霍交界東西兼顧臣飛調何紹彩一軍  
至英山境扼紮協防其劉連捷朱洪章朱南桂

之軍均已陸續行抵潛山太湖等處據劉連捷稟報暫行駐紮聽候曾國藩調度潛太宿松有此數軍駐守似可無虞均奏入

上命議政王軍機大臣傳諭僧格林沁官文曾國藩喬松年曰光羅髮捻晝夜東趨勢甚剽疾而羅田踞逆亦欲與蘄水一帶踞匪勾合經楊朝林成大吉等分路攻擊將鳴子畷七區匡家河等處賊巢

掃平敗賊悉竄蘄水蘄州與髮捻合股盤踞環攻  
官軍營盤石清吉等禦賊陣亡富森保衝出重圍  
成大吉一軍及飛虎七營仍爲賊匪層層圍裏未  
能驟出官文已調姜玉順等營赴下游蘄水巴河  
會合李成謀相機進剿以解成大吉之圍爲今之  
計非先解此圍不能取勝著卽督飭李成謀等迅  
速進攻力解重圍妥籌進取官文前調蔣凝學六



管赴蘄水駐紮仍請調劉連捷一軍赴楚堦勦本  
日據喬松年奏張曜郭寶昌等軍現駐金家寨等  
處劉連捷等軍行抵潛山太湖聽候會國藩調度  
前諭此軍到皖卽歸喬松年調度現在楚省軍情  
甚緊著會國藩喬松年飛檄劉連捷一軍速赴湖  
北卽歸官文調遣以厚兵力僧格林沁現駐商城  
如匪蹤橫山河南卽著督飭馬步各隊認真勦擊

陳國瑞等軍能否分援蘄水合力解圍並著迅速籌辦無分畛域總之此股賊匪人數尙衆逆首陳得才馬融和倪瀧懷吳義汰均在蘄水廣濟一帶非楚皖豫三省通力合作不能殲滅著僧格林沁等會籌辦理以紓朝廷南顧之憂湖北水陸兵力不爲不厚現又調蔣凝學劉連捷等入楚該營均屬勁旅惟在調度得宜方能收指臂之效官文於

此股賊匪竄擾未能迅卽撲滅此勦彼竄兵力頗受賊匪牽掣又復屢次敗衄損失將領若不振刷精神力圖勦賊自問當得何罪記名總兵梁洪勝馳救富森保立解重圍尙知愧奮著准其開復頂戴以示鼓勵溫德勒克西等馬步各隊現紮宋埠等處經官文飭令覘賊所向力清後路再赴蘄水蘄州會勦著照所請暫行留楚俟軍務稍鬆兵力

稍裕仍令赴甘剿賊不得藉詞逗留

官文又奏言提督銜總兵湖北提標中軍參將  
石清吉直隸順德府沙河縣人忠樸勇敢操守  
廉潔能與士卒同甘苦自咸豐五年帶勇隨營  
克復德安武昌漢陽復隨都興阿多隆阿軍營  
打仗屢克黃州蘄州蘄水廣濟黃梅及皖省之  
宿松太湖潛山桐城各郡縣又克復安慶省城

及廬州府城戰功歷著實爲軍營出色之員此  
次因救援富森保關口之圍奮不顧身衝鋒陷  
陣力竭陣亡富森保立解重圍終賴其救援之  
力實堪憫惻相應仰懇

天恩將該故員石清吉照提督陣亡例賜卹入祀昭  
忠祠並於原籍沙河縣及戰功最著之皖省廬  
州府湖北之黃州德安並死事之蘄水縣地方

建立專祠其同時陣亡之副將江星南谷明發  
遊擊曾占彪段會元均請

飭部優卹附祀以彰功烈而慰忠魂奏入

上諭內閣曰提督銜記名總兵湖北提標中軍參將  
石清吉忠樸勇敢自咸豐五年帶勇以來在湖北  
安徽等省疊克名城臨陣奮勇爭先戰功厯著此  
次因髮捻竄擾斬水該總兵赴援關口地方衝鋒

陷陣關口重圍立解該總兵竟以力竭陣亡洵堪  
憫惻石清吉著交部照提督陣亡例議卹入祀昭  
忠祠並准於原籍直隸沙河縣及安徽廬州府湖  
北黃州德安等府並蘄水縣各地方建立專祠其  
同時陣亡之副將江星南谷明發遊擊曾占彪段  
會元均著交部從優議卹並於石清吉死事地方  
專祠一併附祀

二十七日

乙丑

沈葆楨奏冒僞天將丁汰洋攻陷

雩都擾及贛縣之添子盪一帶參將韓進春聞  
雩城被擾督隊馳至敗其斷後之賊復分三路  
齊進悍賊數千鑿擁爭出猛衝數次不動乃佯  
與我相持潛將馬隊數百盤山徑而入適我左  
營接應之兵由此徑而出薄之於險該逆人馬  
辟易跌斃懸厓者無數魏高勝乘勝繞出賊後



該逆腹背受敵奪路狂奔丁逆自率精銳護之  
入城九月初六日韓進春親督兵勇環攻各門  
代理雋都縣知縣鄒汝銓等會合團紳助戰該  
逆出西北兩門分路迎拒韓進春令親軍馬隊  
由楊梅凹潛襲其後西門之賊驚潰不得入城  
城賊開南門涉河而遁北門之賊亦狂奔逃竄  
當將縣城克復所有尤爲出力之升用副將撫

標中軍參將韓進春可否以總兵

記名簡放其餘出力員弁紳勇可否容臣擇尤請獎

出自

逾格鴻施

沈葆楨又奏冒據溫處道魏喻義稟稱湖逆由  
陳坊分兩股一由大路向雲際關一由小路向  
大呂口計洪幅瑱馬隊尙多必出大路因督隊

續進八月二十九日抵雲際關悍賊千餘鏖戰  
二時斃賊極多賊始相率驚潰收降三千餘人  
又據廣昌縣彭芝等稟稱湖逆竄徧東境精殺  
營躡蹤緊追沿途痛剿殲戮無算該逆全數越  
唐坊入石城境席寶田復督隊前進又據署贛  
南道蔡應嵩稟稱會昌練勇於九月初七日克  
復瑞金縣城旋准鮑超函開初九日巳刻抵廣

昌正擬由石城進勦瑞金忽報濼逆圍甯都甚  
急遂拔營趕至甯都偵知瑞金石城甯都已無  
賊蹤惟濼逆到處勾添賊黨希圖接應湖逆盤  
踞對河之東山壩等處鮑超卽擬出隊務將該  
逆一律殲除奏入

上命議政王軍機大臣傳諭左宗棠楊岳斌沈葆楨  
曰逆匪僞天將丁沐洋攻陷雩都擾及贛縣之添

子盪一帶經韓進春督隊馳至當將縣城克復參  
將韓進春著交軍機處記名以總兵請旨簡放其  
餘出力員弁紳勇著沈葆楨擇尤保奏丁逆遁往  
何處著飭韓進春實力追剿一鼓撲滅湖逆由陳  
坊分兩股一由大路向雲際關一由小路向大呂  
口洪幅瑱馬隊尙多魏喻義扼之於雲際關斃賊  
極多收降三千餘人該逆越唐坊入石城境席寶

田已督隊前進著左宗棠楊岳斌沈葆楨督飭席  
寶田魏喻義等軍合力追擊務將洪幼逆全股悉  
數殲除勿留遺孽會昌等練勇已將瑞金縣克復  
康逆圍甯都甚急聞鮑超兵至解圍而去到處勾  
添賊黨冀圖接應湖逆盤踞對河之東山壩等處  
鮑超現已追及著卽檄令緊躡賊蹤勿令與洪幼  
逆勾合以期早日肅清